



10. maj 2010

Inatsisartut suleriaasianni § 36, immikkoortoq 1 naapertorlugu matumuuna imaattumik Naalakkersuisunut apeqquteqarpugut:

Apeqqu: Aatsitassanik uranitalinnik aatsitassarsiornermi uranip annertussusia qummut killilerlugu aatsitassarsiortoqarsinnaanissaa Naalakkersuisut suliniutigilersaarpaat?

(Inatsisartuni ilaasortat Finn Karlsen, Siverth K. Heilmann, Knud Kristiansen, ATASSUT)

Tunngavilersuut:

Australiamiut aatsitassarsioqatigiiffiat Greenland Minerals and Energy Ltd februaarimi tusagassiuutinut nalunaaruteqarpoq kujataani Narsap eqqaani Kuannersuarni 12,5 milliard koruuninik aningaasaliinissaminnut piareersimallutik, tassa itisuumi umiarsualiviliornernut, 13 km-sut takitigisumik aqqusiniornernut, marlunnik suliffissualiornermut, sulisunut inissialiornermut toqqorsiviliornernullu. Taakkulu isumaqarput misissuinerit pereerpata aatsitassarsiorneq 2013-imi aallartissinnaalissasoq, aatsitassanillu paaaneq 2015-imi aallartissinnaalissalluni. Nalunaarpulli aatsaat taamatut aningaasaliisinnaallutik aatsitassat piarneqartut uranitaqanngilluinnarnissaannik piumasaaqat allanngortinneqarpat.

Nunatsinni inuussutissarsiutit aningaasaqarniarnerullu siuarsarnissaat tamatta suliniutigaarput, partiillu tamarmik isumaqatigiissutigaaat aatsitassarsiornermik piffissami sivilunerusumi nunatsinni inuussutissarsiutitigut aningaasaqarniarnikkullu tunngaviuleriartorsinnaasoq.

Taamaakkaluartoq Kuannersuarni aatsitassap uranitaqalaarnera pissutigalugu paaasoqarnissaa Naalakkersuisut akueriumannngilaat, aammalu uranimik piiarneqarsinnaasumik minnerpaaffiliilluni aatsitassanik allanik paaanissaq akueriومانagu, naak Kuannersuarni aatsitassarsiorneq kujataanut suliffissaaleqiffioqisumut minnerunngitsumillu nunatta aningaasaqarniarneranut annertuumik iluaqutaalersinnaagaluartoq.

Immikkut ilisimasallit oqaatigisarmassuk aatsitassaq sunaluunniit uranimik akoqartoq kialluunniit naatsorsorsinnaavaa, taamatut tukermersorneq aalajangiusimaannarneqassappat nunatsinni siunissami aatsitassarsiuulersinnaanernut allanut tuniluussinnaasoq ajoqutaaleriaannaasorlu, aningaasaqarniarnittalu piffissaq sivilunerusooq eqqarsaatigalugu imminut nappassinnaaleriartornissaanik suliniuteqarnitsinnut akornusiissalluni.

Inussiarnersumik inuulluaqqusilluta

ATASSUT sinnerlugu Inatsisartuni ilaasortat